



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hymni Ecclesiastici Novo Cultu Adornati

Clairé, Martin

Parisiis, 1676

S. Francisci Borgia.

urn:nbn:de:hbz:466:1-12077

144 HYMNI

Tot ecce passus sæpius,
Terræ, maris discrimina,
Tot hostium certamina,
Vult amplius, vult amplius.

Malis domari nescius,
Vult carceres, vult vincula,
Flamas, cruces, & spicula;
Numquam satis: vult amplius.

Sinæ negato transitu,
Hac sorte pressus asperâ,
Transfertur hinc ad sidera
Fausto laboris exitu.

Uni supremo Numini
Sit Trinitati gloria:
Sit laus, decus, victoria
Jesu salubri Nomini. Amen.

DE S. FRANCISCO BORGIA.

AD VESPERAS,
& Matutinum.

DE SERTOR aulæ nobilis,
Quam mente rerum prodigâ,
Rectè saluti consulis
Secli dolosi transfuga!

Sponsæ tibi dum Regiæ

Fœdum

ECCLESIASTICI. 145

Fœdum cadaver s̄istitur,
Carnis patent præstigiæ,
Mundi dolus proponitur.

In hoc vides cadavere
Quæ corporis sit fœditas,
Quid sit mori, quid vivere,
Et quanta rerum vanitas.

Sic nos, ait, deludimur?
Francisce, finem respice:
Ut quid volentes fallimur?
Jam nunc futura prospice.

O spes valete futilis,
Honos, voluptas, curia;
Opes faceſſant mobiles,
Domus, ducatus, patria:

Quæ Cæſaris, ſint Cæſari;
Herum placet non sumere
Cui ſtet ſubefſe tempori,
Sed me Deo jam ſubdere.

Sic dixit, & ſic præſtitit,
Rebus relictis omnibus:
Demūmque ſeſe tradidit
Jesu piis ſodalibus:

Jesu, ſuprema claritas,
Tibi, Patri cum Flamine
Æterna ſit felicitas,
Et laus tuo pro nomine. Amen.

G

AD LAUDES.

Quis te sacris altaribus,
Francisce, stratum viderit,
Et jam frui non dixerit
Claris Dei conspectibus?
Circum refuso lumine
Quo pura splendent pectora,
Vultus micant ut sidera,
Hausto calentes Numine.

Ex hoc amoris ubere
Sacros amores elicis,
Totumque Numen allicis,
Sub hoc amantis pignore.

Vi semper hinc avelleris,
Nullis repulsus tardiis:
His pasceris cupediis,
Nec tu famem repleveris.

Ad sacra qualis advenis!
Quod fungeris ferventiū,
Præstare vis frequentiū,
Et velle nunquam desinis.

Sed hærefis ferociâ
Lapsis litans in ædibus,
Fractis recedis viribus,
Cum febre mortis nuntiâ.

Stellata tangis ostia;
En absque jam velamine,
Christi fruēris lumine,
Cadens amoris hostia.

Tibi, Patri, cum Flamine,
Jesu, suprema claritas
Æterna sit felicitas,
Et laus tuo pro nomine. Amen.

DE BEATO ALOÏSIO.

AD VESPERAS,

& Matutinum.

INFENSUS hostis gloriæ,
Omnisque culpæ nescius,
Et mollis ofor curiæ
Laudetur Aloïsius.

Almâ juvante Virgine
Ex matris alvo ducitur,
Simûlque sacro flumine
Nascens puer renascitur.

Primis ab incunabulis,
Piæ loquelæ semina,
Castis fluunt labellulis
Jesu, Mariæ nomina.

G ij